


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 5 1941

7541~~3~~/4224

4





斛山楊先生遺稿卷之四

七言絕句

雜詠五首

白日回光迷遠山，風煙薄暮早春寒。
幾迴點檢纍臣罪，一

疏欲期天下安。
十載幽溪把釣竿，却教桎梏倚門闌。
葛藟滅頂皆天降事，到今朝死亦安。

桎梏真知行路難，况逢九九有餘寒。
忠猷總是邦家慮，死亦今朝心自安。

塔佛大學漢和
圖書館珍藏印

但為當年耻素飡，反成世事日艱難。而今死事得其所，歸到黃泉心始安。

幽囚罪是吐忠肝，日見邏人向北探。聖主無勞關慮切，微臣不以死為難。

贈蘇廷詔五首

望斷長燕萬里深，思君不見淚沾襟。高情為我還甘罪，至死難忘今日心。

罪出經年憐我深，要存男子此膏襟。問言廢食更流淚，是我懷君一念心。

數載幽幽獄戶深，相逢更得好宵襟。要將爾我今朝事，說與兒孫記在心。

憶昔相逢幽陷深，各將國淚洒裳襟。我無孟博澄清志，君有西川豪傑心。

悄悄獨憐我罪深，淵思自慰此愁襟。昊天肯吊蒼生命，鑒此人臣日夜心。

人有犯晴川者以此慰之

一片西飛一片東，浮雲終不碍長空。人間變態閑來往，何與無涯宵度中。

六月六日

六月六日殺蠹虫無衣可出哭吾窮聊將囚板塔前曬一物光輝與世同

嘉靖乙巳年八月十二日出獄歸九月十一日復拏

繫京途謁夷齊祠二首

孟津河下謁夷齊悽愴風霜盈陌衢願借首陽方丈處藏吾天地一殘軀

晨朝停馬拜荒祠想見當年叩諫時却笑史遷傳謬罔武王安肯遽兵

澠池道中二首

西風落日滿塵埃秦趙功名餘草萊廉弱藺強皆國事自能羞上會盟臺奮身秦館志難移共羨相如智勇竒四十萬人同日死徒藏焚寶欲何為

謁比干祠

人心天意轉岐函夫子安能不殺身一死祗將殷祀絕空教千古吊三仁

謁姜里祠

後天剖破見精深，都是周王至德心。
拜罷遺容思往事，直教客淚滿裳襟。

遣使男歸秦二首

汝自燕山歸雍州，臨行不免淚雙流。
逢人便寫康寧信，寬我囚中一念憂。

父已六年同楚繫，左傳南冠而見今三試佩吳鉤吾家不

說諂時話，但向平平路上求。

乙巳年十月二十五日夜復入獄詠栢一絕

反身未了他年罪，樂土還逢今日安。
慰爾耐寒庭下栢，主

人依舊又來看。

葵初出二絕

真品終難混草萊，幾叢都是去年栽。
愁中偏有賞花興，早把赤心為我開。

天然根莖異蒿萊，每藉春深夜露栽。
我去應無人會賞，徒傾一點與誰開。

柱杖二首

風自回旋雲自輕，耐寒耐暑始堪成。
得君今日為良友，險地扶吾暫可行。

直幹元來不尚文、平生羞與鬼薪群、諫官得爾成相輔、踏
破恒山萬里雲、

秋日

露冷風涼秋漸深、塞天猶繫白頭吟、已知憂國非吾事、有
感還餘惻惻心、

不堪秋草與秋風、又把流光易此中、萬里君門皇路在、一
身罪難幾時終、

年來欲與世相忘、轉覺幽懷百慮長、延頸九重天外遠、難
將一念悟君王、

復驚一葉墜庭前、坐惜年華雙鬢顛、多罪殘身忘是我、邈
來都付與蒼天、

風落庭柯又是秋、有時樂在有時憂、欲為萬里朋友告、歸
鴈還遲塞上留、

忽驚塞鴈報清秋、困裏帛書肯寄不、雲外長風吹六翮、一
飛千里到西周、

蟋蟀早已到幽床、梧葉枝頭幾箇黃、清晝半陰雲忽忽、幾
人能解此淒涼、

繞塞西風白露天、萬山黃葉落翩翩、穿窓日影無私照、一

隙常來到卧邊

五十年餘人世事、此間白髮幾經秋、不知淫雨煙波上、誰去乘風泛柁舟、

看開宇宙誰人事、白晝天涯此日頭、鴈過故鷺囚榻夢、一聲涼夜送高秋、

秋燕

辭社還尋高處藏、留予常繫五雲鄉、時來時去天機在、羨爾一雙羽翼長、

送高大觀年兄出獄以用其留別韻

別念關心淚欲流、送君出險我還留、要知今日頰眉意、不是尋常生死愁、

丙午秋七月朔夜夢友人王崗泉張東臺

總是髫年夙分投、神遊萬里自相求、不知吾友今宵夢、亦得頃刻相遇不、

不斷懸懸故舊情、夢中携手與同行、覺來展轉增悽愴、門外鈴聲報五更、

暫合還離一旦情、郊原哭送我東行、年來憂患催人老、雙鬢而今已變更、

去年送我出城東、轉隔關山千萬重、此時幽地心常念、只
教夢裡暫相逢、

夜初

半窓月色下長宵、照此無窮客慮遙、最是感悽一段意、北
風落木夜蕭蕭、

荅友人忽天章遼東作斷事

困裏風霜幾度侵、多君不替故人心、遼陽極日關河杳、讀
罷音書淚滿襟、

病中人有以詩喻使寬者次其韻荅之二首

數月言官耻素飡、殺身今日有何難、包荒本是男兒事、肯
不同天一樣寬、
日午纔將數粒飡、來之坎坎豈為難、眼中視此容身處、同
彼霄壤無限寬、

聞人赤肚仙口號

跳落深坑已數年、纔知半世總狂顛、幾時拋却人間事、去
到密雲學浪仙、

春日十二首

乾坤無處不清明、竚立獨看燕羽輕、一念孤懷酬聖主、

百年人物此殘生。

窓間舒日漸融融，曳杖逍遙百慮空。千古吾心誰樂與，首陽花草自春風。

雨霽春郊秀女蘿，閑雲偏惹落霞多。南鴻一羽衝寒峭，萬里長空晚獨過。

陽和到處總無垠，老榦蒼柯向月新。莫到幽窗空歲月，東風還有去年心。

柝聲急處鴈聲高，門掩園燈夜寂寥。念此天涯歸路杳，誰將一段楚魂招。

雲掩燕山接地陰，霏城新雨細霽霽。即看宇宙均生意，識得乾坤作用心。

逢日幽園春又深，閑聽燕語散愁襟。自知一息延朝暮，到此還餘憂世心。

四年多罪鎖危垣，驚眼金吾春草蕃。一點孤忠應未死，君王恰有好殊恩。

簷頭對雨雨蕭蕭，墻內葵心墻外桃。日暮東風惆悵處，閑看林鳥各歸巢。

十載憂時一念深，竟成身世此浮沉。斜陽滿目蕭條事，寫

作長歌次第吟

萋萋幽草映園堦，羨爾逢春早意諧。此日吾生猶未泯，且歌愁句散愁懷。

從此超然脫故吾，天空海濶見洪模。無容類是假男子，有恐方為真丈夫。

偶興五首

幽中莫嘆久無家，犴戶難將國夢遮。七載悠悠何所事，赤心白髮是生涯。

欲酌春醅伴此身，榻前一盞轉傷神。年來警戒非因禍，恐

致君王殺諫臣。

風滿園垣月滿樓，吾將風月伴幽囚。人機本自天機出，解到無思意便投。

坐對窓風一隙清，人間萬慮總堪輕。無端幽鳥閑來往，却作愁人深樹鳴。

一片閑雲遶翠松，還成細雨暗千峯。此時骨肉遙相見，多在笮笮客夢中。

葵花二首

園葵新發幾枝紅，病裏空懸賞念濃。只恐花疑吾不好，詩

成轉寄藉東風，
誰把葵哉幽厠中。
祇憑新雨秀新叢，
出門欲賞憐多病。
為問今開幾箇紅。

述思二首

當年各為主，
思深生者難忘死者心。
將此滿腔憂世血，
變成赤淚墮囚襟。
年年燕塞動悲風，
應是人心願未終。
死去果然難遽滅，
九原還得再相逢。

獨酌十首

春來病未放，
清歌惹得春風不甚和。
偶酌燕山一盃酒，
滿懷詩興若江河。

老夫不是愛長歌，
恐把流光混裏過。
一嘯胸中無限量，
古今天地在包羅。

卧醒還酌兩三卮，
趕出胸中無限奇。
便笑古今忙脚者，
撞來撞去總成癡。

一寸修為一寸天，
紛紛誰解此間年。
從今莫說癡兒夢，
囚榻安吾日夜眠。

男兒寸寸是剛腸，
要把塵腔百慮忘。
聊下墻頭一罇酒，
不

妨獨酌對羲皇

天地元來只一春，春光到處豈無真。須期努力將心戒，莫

作園中憂世人。

愁來還要酒消愁，到手必須三四甌。醉後吟詩詩罷卧，風

流也屬獄中囚。

連年病不似今年，和煖風光我却眠。春到無詩春自去，而

今要補幾千篇。

殘春隱隱恰如新，老眼渾看見未真。更不分天與人異，只

疑共是一團春。

陽春幾轉屬艱難，未惜空餘兩鬢斑。若把皇家元氣論，入

牢強似入深山。

遣懷四首

故園獨此念殘春，無奈憂危此一身。莫恠片言千百死，從

來蹇蹇屬王臣。

自來幽陷幾風霜，憂切空餘兩鬢蒼。故惜殘軀非我意，恐

成一死累君王。

春去還留此喘餘，勞心空把百年虛。有時不禁傷懷切，萬

里家鄉一片書。

角山遺稿卷四
一時感激切憂勞，便欲捐軀報聖朝。此日孤懷徒耿耿，九重不啻九天高。

送耿良弼四首

與子交遊不計年，吳山當日杏花天。官貧消息幾年絕，忽喜音書到卧邊。

七載幽窓與世忘，故人感激意偏長。聖明未肯殺忠直，早晚吾將歸故鄉。

蝴蝶夢中五十年，將身但合老林泉。冥行走入深坑裏，空負良朋意戚然。

千里風塵到帝鄉，懸懸念我我心傷。喬陵安得還相遇，共醉桃花流水傍。

偶有感五首

吾狂歲歲繫燕臺，一盞濁醪百慮開。醉後自忘安險處，誤將囚所作蓬萊。

吾衰久不念東周，那惜斑毛出鬢頭。海宇昇平天自造，可能一手障狂流。

吾心原來解深思，宇宙安能獨任之。力薄不堪身萬死，踈愚空使後人嗤。

老夫經歲卧囚窓，慨世憂時念益長。白日似憐吾寂寞，故
從小隙放餘光。

當年祇抱素冷羞，一日踈狂七載囚。安得此時廊廟上，有
人聊為我皇憂。

乙巳年復被繫路作五首

白衣黑馬出鄉城，飲餞多君揮淚情。世上誰無生死路，不
須分袂嘆危行。

漂零四海一孤踪，眼底顛危悲路窮。共說君恩天浩蕩，

還期故里再相逢。

涉險猶餘詩興狂，回頭馬上別金陽。李驛丞號也平生曾次他

無慮，一念還為天下傷。

遙向北邙哭范滂，皇網復為漢人傷。諸賢不向幽中死，剖

柱心無符後殃。

三木如堪及俊良，殺身不必慮深長。投屍近有黃河在，誰

肯將來葬首陽。

遣懷

霧斷長天萬里空，遭迴日暮倚東風。紛如自是人間事，不
介悠然曾次中。

雪茶

霧後飛來滿太空，巧將輕片舞條風。
六花烹作六安水，元氣都留玉盞中。

殘雪二首

瑤花不但遍燕山，幽地虛池總一般。
只恐春風吹得急，徘徊再賞片時間。

同雲知不再淒淒，當午陽暉照故遲。
賞汝笑無春脚味，興來但有感懷詩。

慰章秀才

去年章生堦前曾種絲瓜

多難不須日嘆嗟，男兒身到即為家。
堦前一片雪融處，我春深復種瓜。

送趙大尹出獄

我在關西子在東，百年適得此相逢。
從今音問千山隔，人世真如一夢中。

讀蕭處士行狀

紛紛落到靜觀中，一點浮雲散太空。
老筆千年心事在，未須身後問窮通。

初聞黃鸝

共步園庭佳樹陰，逍遙因見古人心。
囚居莫道無真樂，也有黃鸝送好音。

送人歸秦中一
春到燕臺策馬還，文旌指日度函關。
故人若問園中興，道與山林總一般。

送緒山出獄二首
每道別離今果離，是誰懽喜是誰悲。
共將心事常相憶，記我丁寧四首詩。

兩共幽園霜雪寒，而今離別要相懽。
願君分袂毅然去，莫向鉄門回首看。
二載相逢一旦離，徘徊孰令我心悲。
此時此地真難得，說與兒孫世講之。

寄偲母
偕老糟糠重德音，園門無柰兩年深。
寄來秦樹三囊棗，見汝憂勤一段心。

送張本禮歸三首
弱冠交遊三十年，乃今如此共天邊。
送行詩自獄中寫，安得不令我惻然。

送君不肯淚漣漣，知為男兒心志堅。
歸去朋友來訊問道，吾長夜已三年。
辛氏今成此共天，數言自將中
日斷秋雲遠，盍簪側身西望淚沾襟。
再將半紙新詩出，寫我留連不盡心。

哭翟尚書
哭罷浦周已五年，悲懷今日復潸然。
兩行出自中心淚，一洒尚書榭板前。

補衣口號次晴川公韻二首
悲此和此此真難
夜補囚衣晝可穿，知君手段自心傳。
成周誰是真男子，千

古人誇山甫賢

會補清霄神慢穿，昔人妙訣已無傳。
高高在上真難措，煉石惟聞媧氏賢。

夜懷緒山

獨坐更初有所思，悠悠令我心如飢。
誰教咫尺同千里，安得夢中一見之。

謝郭平安惠衣

賜服見君憐我深，范滂肯負郭公心。
從今少洒憂時淚，珍重不教沾素襟。

送趙白樓

與子周旋風雪中，留連送出白樓翁。我曹莫道別離苦，此是聖朝囹圄空。

張公弼

抱痛周君意獨深，樞前一哭淚淋淋。昊天於此昭明處，照見先生一念心。

往年一士夫勸勿作詩，作此以曉之八首。

罪人豈是好吟詩，詩是罪人撥悶時。成後朗吟閒自咏，融融滿目見天機。

天機滿目是襟懷，滾滾都從詩上來。付此卷舒同大運，容一念自安排。

安排了得見人心，只向天然分上尋。要識此間真氣象，茫茫宇宙更無垠。

無垠所向在先難，一本從來非二三百慮根。原由此出天人未可兩般看。

罪人豈是好吟詩，詩是罪人自得時。獨吟一聲心已解，此身此罪正相宜。

此身十載卧松雲，千古真傳愧未聞。中夜思量年少事，雪

窓曾讀北山文

雪窓若向靜中尋，得見昔人藏用心。舉目霄壤皆可樂，沂

源正是此曾襟。

沂源到此幾千年，鄒魯心神在簡編。誰識真陵數枝草，青

青日夜秀窓前。

和人韻四首

能從定裏息奔馳，即是天人合一時。往哲籓籬吾剖破，動

無方所靜無私。

病潛隱處最難醫，拔去深根思匪夷。舜蹠相懸初未遠，差

之千里自毫釐。

戶成人自此間出，闔闢真機湏了之。却笑紛紛禦寇者，徒

勞破屋欲何為。

一原萬象皆同有，要把心從此處知。善到公時多少大，湏

知無我是無私。

讀詩經衡門篇

肥遯高風百世師，衡門愧子獨棲遲。洋洋沙水今猶在，還

有幾人能樂飢。

黍離

眼底興衰忽變遷，每將心事問蒼天。
農夫不解行人意，知說離離是有年。

幽風

碩膚一遜德，愈光歎自東。
人樂繡裳不有風，雲雷雨動鴟鴞豈易悟周王。

和題扇上漁翁圖二首

滿江秋月照艤明，水國雲鄉老此生。
常慮中宵風雨變，孤舟時向岸頭橫。
一見風波即放蓬，徐徐再訪斗牛宮。
將吾心事頻思檢，慚

愧烟策江上翁

送人出獄

相逢相別兩經春，分袂情懷見子真。
此後金吾門外過，念予還是困中人。

送人歸蜀

雍山蜀水共封疆，送子教人偏感傷。
歸到秦關停馬處，好將多難報吾鄉。

示姪休四首

旅舍空時家又空，秦關燕塞路難通。
吾兒莫道飢寒苦，君

子原來亦固窮，
門掩隙塵客舍空。寂寥人久在園中，但願
爾曹與我再相逢。聖明恤狂直

昔年送我古祠中，見向西行我向東。此日音容如萬里，各
將一念叩蒼穹。

縲紲兩年骨肉離，幽園客舍日相悲。爾曹知命須寬慰，世
道艱危古有之。

謝人賜鵝米

遠將德惠過園牆，味帶南風滿屋香。可柰窮囚深恨處，思

君高義不能忘。

閑作二首

五年夜夜鎖客囚，還餘鄉夢逸林丘。白頭未了乾坤事，一
息常為汝輩憂。

天涯歲月自幽囚，老去無須念首丘。未了平生身上債，不
圖今作汝曹憂。

哭浦周二公

二子殺身良可傷，老夫念念不能忘。欲將徃歲顛狂事，同
到九原笑一場。

角山遺稿卷四
禹卿歸秦仕見留此難於為別以此慰之二首

道義真原宜早尋，况逢蘭若又深春。
男兒本是四方客，離別何須苦動心。

良朋萬里此相尋，為念艱危歲月深。
敦仁賢哲事男兒，何處不寬心。

贈人

送別獄門各感傷，好將事業繼龔黃。
如逢潼上劉君子，道我囚中兩鬢蒼。

讀微子篇

開卷悠悠憶昔賢，知將人事未交蒼。
天千王子憂心在，老淚而今墮簡編。

送孫寺丞二首

不信榮華有是非，幽縲終日掩園扉。
世間滿眼愁人事，忽見孫郎能早歸。

流連白首嘆知幾，日見庭柯黃葉飛。
安得一朝携手去，與君共採首陽薇。

九月節

九天風色夜蕭蕭，此日君門萬里遙。
不是諫臣愛一死，殺

身恐累 聖明朝

獨酌

獨酌燕山春甕香，暫開宇內一愁腸。醉看榻上無長物，惟有孔家活世方。

夜夢四老人俱彷彿，百餘歲衣冠古朴。氣象莊重皆天然，不事矯飾同坐一木。爨予趨前長揖，四老人俱起。谷之淵默無一言，覺猶宛在目中。以詩記之。丁未正月初三日早間書。

或是商山四老翁，來吾夢裏一相逢。鳳凰千仞當年意，固

在平生寤寐中

白塔寺老僧號孤松，與予素未相識。予辛丑年春下獄，是年秋燕山申大用以事被逮，告以孤松。當予凶危之際，日常流涕為予焚香誦保安經，祝不死。當時一聞，即以詩紀其事。每擬出獄，必求一相見。乙巳年秋，暫歸田里，以迫促速行，未遂。夙願今復下獄，踰年聞孤松已謝世矣。因述當日所作，復繼韻悼之。見予未忘孤松也。

聞申大用告孤松祝予不死作

普天吾欲振頽風，墮入無涯淵海中。誰誦保安心更切，令人日夜憶孤松。

聞孤松謝世繼韻悼之四首

楚江漁父惜回風，千古同歸一夢中。歲月不堪人事變，酒吾雙淚痛孤松。

深深塔院鎖薰風，虛想形容入夢中。當日孤松曾念我，而今我復痛孤松。

蕭蕭松影遠紅塵，海宇相關一念真。悵望幾年空步履，還從此地一沾巾。

幾年欲接上人風，憂世襟懷與我同。看到乾坤終始處，紛紛眼底總成空。

夜夢一人頭戴紗帽，無展翅謂諸葛孔明也。予揖而就之，謂予曰：塵世富貴何足道哉！唯唯。既覺，漏四鼓矣。以詩紀其事。丁未年六月十四日四首。

夢裏從容揖孔明，回天事業竟難成。出師兩疏心千古，可
是巍然三代英。

隆中運策三分定，渭上屯田一念深。星殞營中旌義旆，祇
成當日受遺心。

天厭東京久自虹，輿圖分豁竟難同。漢皇值此顛危日，空向南陽起卧龍。

漢賊從來難兩立，蜀川偏據未為安。只教千有餘年後，五丈原頭秋夜寒。

哭姜郎中

一世光陰半世終，宜將運數委蒼穹。吾心猶有難堪處，老淚哭君是獄中。

靜裏閑談古與今，超然物外是宵襟。相逢獨有難忘處，夜雨東風一片心。

詞有感

踏莎行

黃葉蕭蕭西風浩浩，狂中忽訝寒先到。每將心事對晴天，肯因窮老傷懷抱。○浮漚古今，雲雨世道，謾把榮辱堪作笑。男兒何事襟懷自有，鳶飛與魚躍。

沁園春

金風轉律，流光暗易，壯士蕭條存丹天。一點點自陶濯，一身幽困兩歲長宵，知作閑事樂天。委運念頭，此外更無勞。靜坐間把宇宙踪跡，閑慮一遭。○生平努力相高，都做了。

蘇詩補卷四
灰蕩與塵消，看世事多般奇巧巧。於人何有也，自逍遙。
狂風迴亂浮雲翻轉，莫休莫歇，枉分撓。適懷抱，擡頭窗外
秋雨蕭蕭。

又滿江紅

炎暑方闌，忽驚眼庭前一葉報新秋。蟬鳴深樹，日暮悲切。
嘆息人世千年事，空老英雄豪傑。

○門掩後，孤燈滅，園牕照清夜。月靜思量，教人愁腸結。
幾時恩詔歸田里，絲綸隨處少遮迺。莫道他渭水子牙翁，曾臆別。

踏莎行

大道昭明，人心不死，一理綿綿貫終始。消息盈虛總循環，
須知萬古皆如此。○君父恩德，臣子忠義，存吾之死矢靡已。
留取丹懷日浩然，天地無窮永相倚。

百年運數，一旦遭逢，天涯長夜嘆夢夢。未惜宇宙托蜉蝣，
空餘禾黍慨王風。○眼前靡靡，心上忡忡，難免幽園今固窮。
仰視青天與白日，冥冥照我此丹衷。

志扶顛，身陷網羅，先憂特為此心多。氣吞天際長虹勢，
手障人間東逝波。○樓上秦曲，軍前楚歌，英雄羽客總消。

磨惟有忠靈永不散與君携手吊湘娥

孤懷炯炯天畔茫茫北風日夜此幽窓秦館兩行七日淚

燕庭一片五月霜○月臨日照地久天長不盡當年烈士

傷遺下霄壤千古恨總出人臣忠義腸

霧隱棘墻露低庭樹多難悠悠今未已百年世事總成空

一笑翻復任眼底○地角鄉關天涯囹圄回首君門幾萬

里豁然蘆杖步園塔西風吹散燕山雨

聯句

獄中看花聯句

每過花前動我思解雨餘復見長新枝聯乾坤生意原無

盡晴物理乘機默與移解向日一心終自赤盈園諸品獨

無緇耐寒松栢千年秀與爾同當天下奇解

看花聯句七言律二首

粉墻斜倚似含思聯真蕊傾陽正滿枝雨露時從天上降

解根荻曾向圃中移聯無邊心事終懷赤滿眼風塵不受

緇訥雅態自堪供玩賞何須解語始為奇聯

誰云仁去未之思物適還憐一兩枝開落隨時皆自得晴

晦明向日更難移解雖無脂粉容常艷便出淤泥色不緇

一種天香元自異，姚黃魏紫未為奇。聯

六司馬聯峯老先生壽誕同難，王子言具酒邀予四

人為先生壽，坐中聯句得五言古風七言律各一篇。

乙巳年夏四月十九日書

此辰當此地，盃酒喜相從。感極寧辭醉，衰顏肯近紅。聯時

逢天地解，雷雨滿長空。晴憂國憂民意，宇宙浩無窮。解斯

文千古會聚樂一家同。訥浪迹形骸外，高情俎豆中。晴誰

憐幽陷裏，各有反淳風。解他年林下樂，須記此情濃。義

又

難中此日逢初度，聯峯嶽降曾聞生甫申。雷雨經綸占大手，

晴風雷遭際愧賢紳。伊周事業應無分，聯黃夏淵源却有

真。解願得八荒開壽域，普天稽首誦堯仁。晴

看花聯句

看花忽爾動遐思，憶昔長安得意時。今日看花雖異地，此

花亦與人相宜。聯隨身着處忘升降，信步趨來履險夷。恠

得幽中懷抱好，興同賢哲坐東籬。解人心誰謂不如古，造

物從來豈有私。晴好景縱觀皆樂地，從教無日不相隨。義

百年顯晦渾閑事，一笑榮枯更勿疑。訥但願此心常共赤

何須殊色與爭奇聯要知展轉艱危裏天欲吾曹慎所之

山斛南北朋簪非易盍乾坤脚板豈難支晴真機每向花前

得終不逢人一皺眉莫道看花淹歲月恩光指日是歸期

山斛

又

與君斯邂逅一葉報新秋山斛名姓誰見道有山心情愧爾

儔華林盍簪如有像麗澤復何求晴珍重朋來義相期到白

頭溪

園中聯句酌酒

天涯今日共幽囚各為當年天下憂山斛消息知宜觀大易

浮沉總付與清秋巽風雷自是交相助聲氣何須更別求

晴川醉裏悠然塵世外相看真是泛虛舟

復酌送巽峯出獄聯句

共傾一盞送君行不盡幽園此日情山斛塵世偶然開笑口

丈夫寧肯負平生晴豈為湖海新賓主當是乾坤老弟兄

巽天際輕陰旋即散他年還共論誠明

語錄附

論學

天命謂性，天人一理也。率性謂道，動以天也。修道謂教，求合乎天也。戒懼慎獨，自修之功。至於中與和也。中和，性命本然之則也。能致之則動以天矣。故其效至於天地位，萬物育。

道不可須臾離，可離非道。是言當戒懼之意，莫見乎隱，莫顯乎微，是言當謹獨之意。應酬是有睹有聞，不睹不聞，是無所應酬之際也。如出門使民，是有所應酬，則有睹有聞。或問程子未出門使民之時當何如，曰此儼若思時也。儼若思，即是戒懼恐懼之意。為功夫尚未說到極至處，故又

提慎獨二字，使人雖在暗室屋漏之中，一念發動之際，凜然畏懼，不可少怠，不敢少息，則天理常存，私意不萌，純一不已，而合乎天矣。

中和心之本體也。未發之中，萬物皆備，故為天下之大本。已發之和，大經大法所在，而不可違，故為天下之達道。怒與哀中節，皆謂之和。

致中和，止至善之云也。天地之位，我位之也。萬物之育，我育之也。

君子之中庸，中庸人理之常也。小人反中庸，豈人理哉。時

角山遺稿卷四
中者默識其理而妙宰物之權也。若非禮之禮，非義之義，豈時中之道哉？小人則率意妄為而已。

天下之道至中庸而極，理得其會同，義至於入神，非至明不能察其幾，非至健不能致其決，故民鮮能之矣。

董常問文中子：聖人有憂乎？言天下皆憂，吾何獨不憂？又謂樂天知命，吾何憂？何必如此說？聖人固未易及，然常人一念之發，得其本心，則與聖人之心無以異，但聖人純亦不已，衆人則或存或亡而已。憂樂皆人情之常，而本於性也。豈聖人獨有樂而無憂乎？若曰樂天知命，吾何憂不成？

父母病，聖人亦樂天知命而不憂乎？豈人理也哉？

漫錄

夜初靜坐，少檢點日間言行，因司馬溫公論盡心行己之要，自不妄言。始夫不妄言，所言必皆當理，非心有定主，豈能至此？故輕躁鄙背及事務瑣屑，無益身心，而信口談論者，皆妄言也。因書以自戒。

作一好事，必要向人稱述，使人知之，此心不定也。不知所作好事，乃吾分所當為，雖事皆中理，纔能免於過惡耳。豈可自以為美，才以為美，便是矜心。禹之不矜，不伐，顏淵無

角山通和未口
伐善無施勞此聖賢切已之學也

與人論事辭氣欠平乃客氣也所論之事雖當於理即此客氣之動便已流於惡矣可不戒哉書以自警

予久處獄中粗鄙忿疾畧無貶損粗鄙忿疾乃剛惡也負以終身而不能變真可哀也因思橫渠貧賤憂戚玉汝於成乃惕然驚省嚴然愧耻今日患難安知非皇天玉我進修之地乎不知省愆思咎而有怨尤之心是背天也背天之罪可不畏哉

予繫此四十一月矣選者日在側覘予動作有甚厚予携壺酌以伸問者後一人來甚橫逆予卧於舊門板上障之以席其人皆扯毀之謂予罪人不宜如此又徃徃發其厚予者使人知之曰某日某皆潛獻其處者盖令其得罪以見已薄之為是有蘇喬二人皆厚予者乃忿忿不平揚罵曰是固無傷也予非私交化外人雖得罪亦何憾

予與劉子煥吾周子順之同飯後因論八才各有所宜予謂二公自度宜何責任劉子曰吾為孟公綽可周子曰今日府州外任勉強幾分予曰滕薛大夫聖人固不許公綽在春秋時欲盡其職亦非易事觀於子產相鄭可見然則

孟公綽亦不可輕看。一人因狂病迷謬入朝立御座上捕下法司擬重獄成未決其母詣登聞鼓稱冤順之在吏科時直受鼓狀遇此事未為准理順之因問予使公遇此事當何如處之予曰當論其狂病誤犯不可加罪但罪守門者失於防禦則可矣劉子曰當封進鼓狀使朝廷知其以病迷下法司從末減可也順之曰此固皆是但如此為之必得罪以此小事得罪吾不欲也劉子謂論人無罪不當殺恐非小事予曰此皆論利害未說到義理處若論義理則當為即為當止即止豈計得罪順之以為然

好議論人長短亦學者之大病也若真有為己之心便恐惟日不足戒慎乎其所不睹恐懼乎其所不聞時時刻刻防檢不暇豈暇論人學所以成性而已人有寸長取為己有於其所短且置勿論輕肆辨折而無疑難涵蓄之心謂之喪德可也此予之深患不能自克可愧可愧道心人心只以是與不是求之一念發動的不是則為人道心極難體認擴克戒謹恐懼之功少有間斷則蔽錮泯滅而存焉者寡矣故曰惟微人心一動即在凶險路上行矣喪德滅身亡國敗家由於此故曰惟危所謂卿士有

一於身家必喪邦君有一於身國必亡內作色荒外作禽
荒酣酒嗜音峻宇雕牆有一於此未或不亡則人心之危
真可畏哉

易謂險以說困而不失其所亨其惟君子乎予久處困難
亦時以此自慰但罪惡深重為世道之損者甚大仰愧於
天俯忤於人襟懷滯礙鬱抑不安之時常多

心靜則能知幾方寸擾亂則安其危利其災禍幾昭著而
不能察矣况於幾乎幾者動之微而吉凶之先見者也所
謂先見亦察吾動是與不是而已所動者是吉即萌於此

矣所動者不是凶即萌於此矣意向少離於道則步履反
疾差之毫釐謬以千里矣故學者以慎獨為貴

予稟賦粗鄙動輒乖謬夜間靜坐思此身過惡真不自堪
真難自容可謂虛負此生矣年踰五十血氣漸衰老景將
至始自知過則已晚矣可勝嘆哉尚幸殘生未泯欲自克
勵求免於惡終耳書以自警

顏孟二大賢雖氣象不同而學則未始有異顏子之學在
非禮勿視聽言動不違仁不遷怒不貳過孟子之集義養
氣擴克四端求放心存心養性以事天則亦顏子克己復

禮之學也

天下萬變真妄二字可以盡之。偏蔽者妄也。本體則真也。學所以去偏蔽之妄。全本體之真。全則道本於性。性純乎天。立人之道始無愧矣。天地亘古亘今。但有此一箇大道。理則亘古亘今之聖賢不容更有兩樣學問也。

見獄中或有警擾呼左右問何事。久而思之。此動心也。身居此地。湏要置生死於度外。刀鋸臨之。從容以受致命。遂志可也。此正是為學用功處。因思劉元城。軒睡是何等膏懷。可謂毅然大丈夫矣。

今日早起。朗誦君子之所以異於人者一章。即覺襟懷洒心。廣體胖。有西銘與物同體之氣象。此心易至昏惰。湏常以聖賢格言輔養之。便日有進益。

士之處世。湏振拔特立。把持得定。方能為見得義理。必直前為之。不為利害所怵。不為流俗所惑。可也。如子思辭鼎肉。孟子却齊王之召。剛毅氣象。今可想見。真可為獨立不懼者。若曰事姑委曲。我心自別。即自欺也。始或以小善放過。且不可為。小惡放過。且可為之。日漸月磨。墮落俗坑。必至變剛為柔。刻方為圓。大善或亦不為。大惡或亦為之。

因循苟且可賤可耻卒以惡終而不知矣此由辨之不早持之不固也書以自戒

涇野呂先生過某府太守侍坐太守子讀書樓上聲徹於樓下太守令止之曰當微誦恐損傷既又促左右以時進食曰勿令飢又戒之曰當為掖之恐或蹉跌先生謂太守曰公之愛子可謂至矣願推此心愛百姓可也遇順德府太守餞於門外餞所近府養濟院先生以饌食一卓令二吏送院中謂太守曰以公佳饌與無告者共之願公體我此心以惠恤鰥寡可也訥溪周子述以告予予為嘆息者

久之古人以離群索居為深戒子貢問為仁孔子告以事其大夫之賢者友其士之仁者使志道君子常得與先生相親焉獲覩德容聞至論以自警省不患德之不修而政之不善也嗚呼仁人君子之言其利溥哉

智者自以為不足愚者自以為有餘自以為不足則以虛受人進善其無窮矣自以為有餘必無孜孜求進之心以一善自滿而他善無可入之隙終亦必亡而已矣書之以自勵焉

平生所為得失相伴求欲寡過而不可得幽囚坑坎靜中

顏覺省悟始有向學之心然殘損餘息血氣漸減策勵不
前虛生人世與草木同腐矣可媿哉

早起散步園階日升東隅晴空萬里鳶鳥交飛不覺襟懷
開洒萬慮皆空因思曾哲沂水氣象亦是如此癸卯歲季
冬十三日書

古人立己甚嚴其責人甚恕今人立己甚恕其責人甚嚴
孜孜為己不求人知方始是學

夫子答顏淵為仁之功在非禮勿視聽言動居高位有高
位的視聽言動居下位的視聽言動處患難有意

難的視聽言動臨死時有臨死的視聽言動道無不在

予與劉周二公倚園墻北向坐一人解於北墻下相去甚
近二公訝之曰何不少避予曰此鄭瞞人旋於宋朝之意
蓋謂我無所問也

因置一甄奠食碗置之未安之處此心不已必欲既安然
後已將一箇身心不會置之安穩之地如箇無稍工之舟
漂蕩於風波之上東風來則西去西風來則東去是何道
理則是置此身心不如置此甄之敬慎也

六月初八日夜初寢夢一男子長身少鬚鬚間白呼爵相

拜曰予王陽明也數談論未嘗自言其所學語未畢忽驚寤予瞿然曰是何先聖先賢來此以教我乎或慷慨殺身於此地如劉忠愍之類者相與邂逅於夢寐乎明早當焚香拜謝之俄而屋脊墜一小甃塊於卧傍木板上聲震屋中守者驚起初九日早晨記

初九日夜夢一廟中塑伏羲像所服甚古雜以洪荒草服一人講易十三卦制器尚象之義於廟問之乃程先生也聽有儒士二人予入獄中四十一月夢關義勇武安王與予遇者三亦有無言時亦有數相語時

連日天雨獄中木板皆濕予體弱少食因思小兒在外父子五年不能相見衣食不能相顧時張道全伍天儔二生皆在外候予與小兒同處數日消息未聞為之戚戚又思素患難行乎患難事至於此皆天命也當安受之陳少陽歐陽徹二公未嘗傳贄為臣以言語自任而殺其身况予論思之職敢不盡臣子一日之心乎盡此心以求自慊則或死或生豈可逆料

予居此四年邏者候予有言日必錄予頗聞之每見未嘗一言相答有以予不言回報者必答之有以其言作予言

角山遺稿卷四
以回報者，又以不似答之。於是邏者窮矣，多以情相告，求予言，以免其咎。且曰：事關於忠義者，願得數語。予應之曰：吾奏章數千言，字字是忠義，句句是忠義，乃以為非所當言，而深罪之。今若以忠義騰口舌於爾輩之前，是吾羞也。一邏者求予有言，情甚切，至予應之曰：語出於無心者，公記去，則予心無愧。若出於有心，是故為巧語轉移天聽，以苟免罪難也。予實羞為。况一有此心，是即機變之智巧，舉平生而盡棄之。天必誅絕，使即死於此，其人慘然曰：公之心如此，予再不復求公言矣。

又一邏者告予曰：今日好言語上之矣。問之，乃太甲篇天作孽，猶可違；自作孽，不可活。又繼之曰：我乃自作孽者，故罪至於此。予應之曰：吾為言官，天下事皆所當言。往時一疏上為朝廷下為蒼生，宗廟社稷萬萬年深長之慮，豈白作孽者其人默然。

晴川劉公陞工部將之任，冢宰羅整菴翁家居。劉公齎行，整菴贈之以詩。既劉公下獄，與予誦之。予與緒山錢子皆依韻和之。後人傳其詩於整菴處，近一士夫來京，整菴公語相告曰：向日得詩和荅以具，但欠推敲，未可寄去。予曰：

此非欠推敲也。元老大臣家食十年，未嘗以書簡通權貴，乃以一詩交罪人可乎？此老可以為法。甲辰年六月十二日記。

癸卯年二月內，馬主政拯以事下獄，馬十九歲發解廣東，二十舉進士，任工部主政，器度識見人未易及。告予曰：聞近士夫言，自古人主有本事者，惟秦皇漢武兩君而已。予應之曰：否，自古人主有本事者，惟堯舜文王而已。堯在位百年，萬邦時雍，治極當亂之時，而子丹朱又不肖，堯乃尋一箇舜，將天下分付與他，愈至於治。舜在位五十年，四方

風動，亦治極當亂之時，其子商均亦不肖，舜乃尋一箇禹，將天下分付與他，亦愈至於治。文王深仁厚澤，延周家之基業至八百年，堯舜文王以天自處，氣運興衰不在於天，而在於我，所謂通其變，使民不倦，神而化之，使民宜之者也。其本事何大哉！秦皇剪除六國，焚棄詩書，掃滅先王之迹，而惟任一己之私，一夫作難，而七廟隳身，死人手為天下笑。漢武承文景之富庶，若委任賢俊，取法先王，則禮樂可興，故以多欲亂政，窮兵黷武，至於海內虛耗，幾致顛覆，非有昭宣繼之，則漢之天下未可知也。若二君之所為，適足

覆宗絕祀而已。烏在其所謂有本事哉。且使人主不法堯舜文王而法秦皇漢武。是啓其殺伐之心而欲以亂天下也。其所言謬妄亦甚矣。馬出獄數月以病卒。予甚悼之。下間步垣中。井上日色慘淡。光景寂寥。下視井水湛然清澈。因思井渫不食。為我心惻。為之感然。

嘉靖乙巳年九月初五日。朝發濬縣。晚宿林清店。店主醜惡。買麵食用醋。其人吝從者曰。此不過費銅錢一文。其人應之曰。雖與十文。吾亦不賣。又欲買小米。次早作粥。其人亦固拒之。予聞矣。呼從者止之曰。再勿與語。此數家之隙。

地或有賢者無招客屋。而有屋者又非賢。因思昔人言堯舜以天下讓。而世之匹夫爭半錢之利。人品相去何啻九牛毛。易曰。初六童觀。小人道也。此市井之常度。其識見止此。無足怪也。

大人當治安之時為危亂。小人以危亂之時為治安。皆此小也。也有大人之向慕。有小人之向慕。有大人之識度。有小人之識度。有大人之作用。有小人之作用。此天地生物之不齊。教化之施。固有要。而以宇宙間事為己責者。不可不慎也。乙巳年九月五日。燈下書。

論文

文章以理為主、以氣為輔、所論純是一段義理、是以理為主、辭氣充盛、渾厚不覺、軟弱是以氣為輔、須膏中正、大不以偏曲邪小之見亂其心、又廣讀聖賢格言、以充養之、如此則舉筆造語、皆自膏中流出、其吐辭立論、愈出愈新、而無窮也、如取之左右、逢其源也、其騰匯洩蓄、流轉渾厚、波瀾汪洋、如決江河、沛然莫之能禦也、其光燄發揚、照耀昭灼、如日月中天、深谷窮崖之幽花、石草木之微青者、自青白者、自白、仰之以生輝、觸之而成色也、

斛山遺稿後序

斛山楊先生遺稿四卷、大中丞彬菴楊公所輯也、公守西安時、雅重郡中文獻、謂先生文獻之最、捐俸金、將梓其詩文、以傳會、遷官去、函其稿、郡齋者六年於茲矣、余繼其事、刊之稿中、首載慰人心、以隆治道、疏其次、則文

又其次則詩大都醇正質直有似乎
其人焉乃若其疏則正大光明忠憤
激切即古敢言之士亦難乎儔匹矣
嗟乎此宜以謹言感動
聖朝何其拂亂所為而終於不遇耶然自
辛丑以迄丁未被逮者再終始不加
一罪俾得完其骸骨以歸則

聖朝所以待先生者又何其厚哉此亦不
可以不遇論也自先生之歸也海內
益重其為人名赫赫與日月爭光而
疏中所指摘者竟為士大夫之所賤
簡此其所遇不於其疏於其名斯榮
辱相去遠矣歿後忠義益著輿論日
疎歸大臣疏其行

角山遺稿後序
朝廷嘉其節

誥贈先生為光祿寺少卿廕其孫恒為太
學生則先生所遇不於其身於其後
斯終古稱不朽矣後之讀斯集者於
治道一疏則想見其直於處困兩記
則想見其寬於夢遊山諸作則想見
其和易不迫于

朝廷贈官廕孫則想見其

天恩廣大可以勸忠而勵節斯於興起感
發何如也此其裨益世教不亦大且
遠哉刊既成以告同寅史君邦直沈
君紹先侯君天祐吳君道卿咸以為
然遂次其說附簡末用告世之景行
先生者云

萬曆元年癸酉仲春之吉

賜進士出身中憲大夫知西安府事前南

京刑部江西司郎中鴈門安嘉善撰

然何咳也其野益奇於不亦大且

天恩貴大百以備忠而爾其慎餘與矣

疎長韻字新終限時以共

